

SCRIPT OF MORNING GOJRI NEWS BULLETIN 4AUG 1015 HRS

مارننگ گو جری نیوز بلیٹن مورخہ 4 اگست 2025

یوہ آکا شوانی جموں بے عبیدلرحمان تیں خبر سُنو۔

LG VIKSIT BHARAT

لیفٹیننٹ گورنر منوج سنہا نے کہیو بے کہ 21 ویں صدی بھارت غی صدی بے تے اس وقت بھارت عالمی لیڈر غا طور ور پوری دنیا مانہ اپنو مقام حاصل کرن غی دوڑ مانہ بے موصوف نے کہی و کہ بھارت غ اس مشن مانہ نوجوان نسل بڑو اہم کردار ادا کر رہیے لیفٹیننٹ گورنر جموں یونیورسٹی مانہ منعقدہ وکست بھارت یووا رابطہ پروگرام مانہ اپنا خطاب غے دوران بول رہیا تھا وکست بھارت 2047 غا نظریہ غے تحت نوجوانان غی ترقی متعلق زور دیتا وں موصوف نے نوجوانان ناہ کہیو کہ وے اپنا ذہین نال سماجی تے معاشی تبدیلی لیان مانہ مثبت کردار ادا کریں تے وکست بھارت غا ہدف ناہ حاصل کرن خاطر ہر طرح غی قربانی دین وستے تیار رہیں۔

LG BHASOLI UTSAV

لیفٹیننٹ گورنر منوج سنہا نے آئیندہ منعقد ہون آلا بسولی اُتسو 2025 غا تناظر مانہ تیار کیا گیا بنیادی معلوماتی کتابچہ غی نقاب کشائی کی بے اس سال 28 ستمبر تیں 2 اکتوبر توڑی منعقد ہون آلا اس تہوار مانہ بسولی غی قدیم روایتی تہذیبی تے فنی ورثہ غی نمائش وے غی جس مانہ رامائین روایتی رسم و رواج ور خصوصی توجہ دتی جے غی۔ اس تقریب مانہ روایتی نمائش تیں علاوہ قومی ناچ موسیقی گا مقابلہ مقامی کھیڈ تے مقامی فن کاران غی عزت افزائی کی جے غی ایل جی موصوف نے بسولی غی انفرادی شناخت ناہ قائم رکھن وستے مقامی شراکت داران ناہ مبارک باد پیش کی بسولی نقاشی غو ذکر کرتا مانہ ایل جی موصوف نے اس زمرہ مانہ سال 2023 مانہ جی آئی ٹیگ ملن غو ذکر وی کیو تے قومی سطح ور لوکاں ناہ اس تقریب مانہ شرکت کرن غی دعوت وی دتی بے۔

UDH AIRPORT PROJECT

علاقائی ہوائی رابطان غا سلسلہ مانہ ایک بڑا قدم غے طور ور مرکزی وزیر ڈاکٹر جتندر سنگھ نے یاہ خبر سانجہ کی بے کہ ادھمپور ہوائی اڈہ پروجیکٹ نے کافی پزیرائی حاصل کیہے بھارتیہ ائیرپورٹ اتھارٹی نے اس ہوائی اڈہ وستے مناسب جگہ متعلق تمام بنیادی جانکاری تیں بعد رسمی عمل غی شروعات کردتی بے یوہ پروجیکٹ 2 مرحلن مانہ نافذ کی وجے غو شروعات مانہ سول پروازان ناہ موجودہ تعمیراتی ڈھانچہ تیں ہی شروع کیوجے غو تے اس تیں بعد کئی نوی سہولیات وی دستیاب کرائی جیں غی جناب سنگھ نے اس ہوائی اڈہ غی حفاظتی صورتحال گا تناظر مانہ اہمیت ور روشنی پائی تے دور دراز علاقان مانہ اس طرز غا تعمیراتی ڈھانچہ نال سفر مانہ آسانی غی اہمیت بیان کی موصوف نے کشتواڑ ہوائی اڈہ ناہ اوڈان اسکیم مانہ شامل کرنگو ذکر کرتا مانہ سرکار غا پہاڑی علاقان مانہ ہوائی رابطان ناہ ترقی دین گا وعداں ناہ وی یاد کیو۔

LG CM CONDOLENCE

لیفٹیننٹ گورنر منوج سنہا ت یوزیر اعلیٰ عمر عبداللہ نے ایس ایس پی ادھمپور غی نوجوان بچی غی وفات ور ڈنگا دکھ گو اظہار کیو ہے۔ ایل جی موصوف نے وزیر اعلیٰ نے متاثرہ کُنہ نال تعزیت پیش کی تے اس مشکل وقت مانہ اس ناقابل تلافی نقصان وستے صبر تے حوصلہ غی دعا کی زراعت غا وزیر جاوید ڈار تے چیف سیکرٹری نے وی متاثرہ کُنہ نال تعزیت غو اظہار کیو تے اس مشکل گھڑی مانہ حوصلہ تے صبر کرن کی تلقین کی۔

KISHTWAR ASP BLOCK

ضلع کشتواڑ گا ہلاک مٹواہ ناہ این آئی ٹی آئی آیوگ ایوارڈ وستے نامزد کیو کیو ہے اس بری حصولیابی وراج چوگان میدان کشتواڑ مانہ ایک انعامی تقریب منعقد کی جارہی ہے این آئی ٹی آئی آیوگ غی طرفوں سال 2023 مانہ شروع کیا گیا اے ایس پی پروگرام غو مقصد ریاستاں تے مرکزی زیر انتظام علاقوں مانہ قائم 500 ہلاکاں مانہ معیار زندگی ناہ بہتر بنان غوبد فطے کیو کیو تھو اس پروگرام غے تحت 5 بنیادی چیزاں ور خاص توجہ دتی گئی جن مانہ صحت ت کوارک تعلیم ذراعت ت یدیکر خدمات تیں علاوہ بنیادی ڈھانچہ غی ترقی تے سماجی فلاح و بہبود شامل ہیں۔

HAR GHAR TIRANGA

جموں کشمیر غے اندر ہر گھر ترنگا مہم برا جوش و جذبہ نال جاری ہے تے اس ضمن مانہ ہکھ ہکھ ضلعان غے اندر خُب الوطنی غا کئی پروگرام منعقد کرایا گیا ہیں ضلع کشتواڑ مانہ دیہی ترقیاتی محکمہ ترنگام غا بی ڈی او روپیش شرما غی نگرانی مانہ پلاش بچاں گا گھر مانہ ایک زبردست تقریب منعقد کی جس مانہ خُب الوطنی غا گیت گایا گیا تے دیگر مقابلوں تیں علاوہ تحفہ وی تقسیم کیا گیا ت اس پروگرام مانہ سرکاری ملازماں تیں علاوہ میڈیا نال منسلک افراد طالب علم تے کئی دیگر افراد شامل رہیا بی ڈی او موصوف نے اپنا خطاب مانہ نوجوانان غے اندر قومی فخر غا جذبہ ناہ بادو دین غی اہمیت ور روشنی پائی۔

ANNOUNCEMENT

علاقائی خبراں آلا شعبہ آکاشواںی جموں غی طرفوں 5 اگست 2025 غے روز تہاڑی 12 بج غے 30 منٹ ور ایک خصوصی پروگرام نشر کرے غو۔ اس پروگرام مانہ دفعہ 370 تے 35 اے غی منسوخی تیں بعد گزشتہ 6 سالوں غے اندر جموں کشمیر مانہ آئی تبدیلیاں ور خصوصی نشریات پیش کرے غو اس خصوصی پروگرام مانہ سابقہ سرکاری آفیسر کے بی جندیال تے سماجی کارکن اشونی کمار اپنا خیالات سانجہ کریں گا اس پروگرام غی میزبانی کریں گا مارا انکر وجے بجاج تے کُنال سروٹس سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز تے ایف ایم 104.5 میگا ہٹز ور سُن سکیں غا۔
